

*stologico* Leus veritatis, juxta divinam suam sapientiam locum attribuit; tum propter *primitivum statum*, quia Prot-Evangelium primitivum est omnis revelationis Evangelicæ de Christo testimonium; Primum ipsius *Jehovæ Elobim de Messia* vaticinium immediatum Evangelicæ Christologias præconium, omnis *Evangelicæ* vel *Christologicæ* prædictionis præconium *primitivum*, omnium Vaticiniorum Christologicorum initium &c.; tum propter *primitivum respectum*, quia nullum ante se Compendium prius in Scriptura vel *revelationum divinarum Archivo* respicit, aut respicere potest, dum in capite primo & secundo Geneseos nullum aliud invenitur, & capite III. statim post lapsum hoc primum ordine consequitur; & consequenter omnia totius Scripturæ sequentia testimonia, vel oracula tum apud Prophetas, tum apud alios viros *Θεοπνεύστους* tanquam derivata Prot-Evangelium, tanquam *primitivum suum initium* & *Cardinalem suum ortum jure consecutionis* respiciant; tum propter *primitivum usum*, quia reliqua cuncta tam *V.* tam *N.* Testamenti Christologias compendia non aliunde, quam ex Prot-Evangelio pendeant, & inde suam *originem, veritatem, certitudinem, firmitatem*, & alia cuncta, convenienter possideant, & salutarem suum usum obtineant, & ad quem plurimos salutes usus in Ecclesia transferant & transmittant. Sic igitur cuncta Scripturæ totius Oracula nullum aliud primitivum Christologias salutiferæ fundamentum præter ipsum Prot-Evangelium agnoscunt, qua ratione jure *primitivum fundamentum* appellatur.

§. VII.

Tertio *Axioma primitive veritatis, auctoritatis & sublimitatis*, qua ratione jure dicitur *Authenticum ipso Jehovæ Compendium*. Varia siquidem in Ecclesia dantur *Christologias salutiferæ Compendia*, qualia sunt Compendia Theologica, vel *privatorum Doctorum, Compendia Ecclesiastica, vel Symbolica*, quæ pu-

B

blico